

地 250.193

38.1

3

五

贛縣志

張周垣
題簽





250.193
38.1
2

贛縣志卷九

二十六年徵集之書

地理志

物產

贛爲山國犖确瘠磽視中土之平原陸海東南之藪澤神皋未可同日而語而商賈輻輳出嶺嶠而走吳越此爲都會焉生之有限食之用之什百倍蓰則風土與物產交病矣今就其所產覈實類載固皆無甚異於他邦也謝桓愨論於地方頗切因併記之

穀之屬

稻 贛氣候難嶺南穀之成熟最早稻有早中晚三種早稻春種夏收中稻春種秋收晚稻於早稻既刈再種稻苗十月始穫其可釀酒者曰秬亦曰糯糯之類亦有早中晚數種早者六月穫中者七月穫晚者九月穫又有冬月始穫者

菽 有初春種六月熟者有六七月始種者秋雨多則多實經霜即枯十月收穫有青黃

贛縣志

卷九

物產

黑赤綠數種又有田豌豆蠶豆刀豆豇豆扁豆各種皆可充食

麥 有大小蕎三種大麥可作燒酒小麥磨麵可作飯食蕎麥種之以作餠餠

麻 本草謂巨勝子有黑白赤三種土人以之榨油色清而氣芬

粟 小米也有秬糯二種秬者可作飯食糯者惟作糕餅餠丸而已

蔬之屬

菘 有二種莖圓而微青者曰大菜莖扁而白者曰白菜其葉皆淡青白色黃芽白菜

蕹 莖虛有節葉長而尖緣地蔓生四五月採食龍解治葛毒

芹 有水旱二種葉似芎藭水芹臭亦似芎藭旱芹莖葉短於水芹而味較甘脆

蕒 一名蒼蓬菜葉青白色頗似白菜而葉較短

薯 有紅白二種根如芋大者重數觔熟食甚美

其菜 莖似蕨而青大過之葉如葵而小其味甚美

芥藍 一名孽藍葉大於菘根大於芥臺苗大於白芥子大於蔓青花淡黃色三月花四

月實

瓜之屬

西瓜 青皮紅瓢味甘多漿贛產甚繁出梅林者最佳又一種皮綠形長似枕名露瓜
玉瓜 以其色黃亦名黃瓜形長味淡生熟俱可食

冬瓜 一名白瓜以皮白如粉塗也味甘

南瓜 一名番瓜一名金瓜

絲瓜 一名布瓜一名天羅有稜者味較甘土人名節瓜

苦瓜 古詩甘瓜抱苦蒂帶苦而瓜味實甘贛人皆嗜食之五六月間纍纍籬落以代蔬

笋

果之屬

枇杷 一名盧橘樹高丈餘枝肥葉大有毛冬華夏實味甜酢

葡萄 有白黑黃三種一名馬乳亦名珠顆亦名黑水晶

贛縣志

卷九

物產

甘蔗 叢生有節似蘆長三四尺味脆而甘榨取其汁熬之成糖

落花生 一名長生果花落時根下結實如豆

荸薺 一名鳧茨秋後結顆如查栗外紫裏白而有甘漿并能化銅出會昌者佳贛產次
之

柑 橘 柑皮比橘色黃而稍厚且皺聞廣楚越皆有之而不及贛秋冬籬落間丹碧纍

纍皮肉俱佳 金橘小如彈丸其色如金故名贛俗獨喜種之蜜餞以為茶品

佛手 其種來自閩廣指舒纖若玉笋者為佛手笋曲臃腫者為佛拳贛產惟拳亦混佛
手之名

香櫟 一名拘櫟實圓而大芳烈一如佛手

柚 嶺外江南皆有而贛產為佳若苦若酢之間殊有楊梅風韻贛人亦呼為橙

橙 樹似橘而葉大左右有缺如兩段實似柚而形圓皮厚而皺其美在皮

榘 一名木桃俗名山裏果有紅黃二種味酢遊蜜餞則甘香為糕尤美

菱 陂塘所種有紅綠二種嫩則鮮食其嫩皮而紫色者名浮菱尤脆美
花之屬

蘭 出閩中者爲最次則莫如贛四季皆花爲江淮所重每年舟載下流者甚夥贛人以
此獲利 春蘭葉短一莖一花黃綠色瓣有紫文其香清遠 秋蘭葉短而厚稍闊莖
細而花小於春蘭生幽巖遂谷中 紅蘭生山谷中經野燒葉盡而花獨發俗稱火燒
蘭花微頰瓣有赤絲香甚烈而不能久唐人詩云幾年春雨長紅蘭 樹蘭大者高八
九尺花開成穗與賽蘭相似至秋芳如粟米色若黃金土人以之香茶 賽蘭一名珍
珠蘭色紫蓓蕾如珠花成穗香甚濃亦曰鷄爪蘭又曰碎蘭 風蘭莖葉如石斛惟花
與蘭相似蕊生向下倒捲而上故又名倒蘭

茉莉 原出波斯莖羸枝繁夏月晚間開小白花其香清婉贛產最盛有專業者圃中以
千百計舟載以達江淮歲食其利又有重臺者名鬼子茉莉始自粵中來今贛人亦善
種之

贛縣志

卷九

物產

三

夜來香 日暮始花故名藤本柔軟葉似茉莉而稍大花黃色五瓣叢簇結毬幽香可愛

山茶 樹高者丈餘枝幹扶疎葉似桂花似芙蓉各色俱有且鮮麗奪目種類不一有寶
珠者有錦邊者有四面者結胎十月開花最久

夾竹桃 花五瓣淡紅嬌艷似桃花葉青綠狹長似竹葉故名

辛夷 一名木筆花瓣如蓮而腰甚瘦外紫裏白

芙蓉 種類不一有鴛鴦芙蓉有三醉芙蓉有四面芙蓉一花數色一色數變

蓮花 一名菡萏分紅白二種有錦邊者有重臺者有雙頭者又有曉起朝日夜臥於水
者名曰睡蓮

榴花 其種出安石國亦有出海外新羅國者皮色黃而枝葉甚繁花附萼生真紅色有
千瓣者並有紅黃綠白及錦邊瑪瑙數種

菊 贛地暖百花皆早惟菊稍遲以菊傲霜故也

木之屬

杉 贛杉不如建杉之高大然堅實過之

樟 大者十圍高八九丈葉似枌而尖長肌細膩而有文氣甚芬烈老則出火又一種似樟者爲豫

榕 高過十丈廣蔭數畝其根多至于百上下皆成連理蟠結土石宜植河濱以衛隄岸或謂榕踰梅嶺則不生故紅梅驛有數榕爲炎寒之界然贛在嶺北此樹極多

松 此木性宜黃土贛墳赤黑雖多產而不能盛也又一種名杉松疎理而少節其材較良

楓 枝幹修聳葉圓而岐每至秋杪其葉經霜色赤如錦

茶 桐 贛田少山多土性於茶桐二樹最宜茶木堅而葉厚青翠茂密凌冬不凋取子榨油味甘香清潔名曰清油土人多入食饌 桐樹枝葉俱似梧桐二月開花滿山如雪至冬收子以榨油楚蜀亦出桐油而不及贛之桐油膠粘清亮可入漆也二油爲贛佳產每歲賈人販之他省不可勝計故兩關之舟載運者絡繹不絕

贛 縣 志

卷九

物產

四

漆 浙徽閩廣皆產贛漆卽閩種也土人墾荒種之品居廣漆之上與浙徽相埒

竹 贛以竹木爲業諸器皆以竹爲之功用與木相等

草之屬

苧 園山皆可種植苗高七八尺或青或紫其皮可績

葛 有家園種植者亦有野生者苗引藤蔓長數丈根名葛根可入藥

靛 有大小二種大藍葉如蒿苳而肥厚微白如壁藍色小藍莖赤葉綠而細密今爲澱者多用小藍以染布帛贛屬惟耕山者種贛邑尤多

鳳尾蕉 一名鐵樹株似棕櫚形如鳳尾葉長數尺凌冬不凋

萱 一名忘憂名宜男有三種單瓣者作蔬食十瓣者食殺人色如蜜者香清葉嫩

薦 烟草也種出日本明末始入中國閩人以其葉製烟贛與閩接壤故種者亦多食之屬

茶 山阜園地皆產惟山高而土黃得清虛之氣多者爲貴贛之儲茶出自儲山曰大園

儲茶香味最佳昔嘗入貢所產無多人不易致各鄉亦有藝茶爲業者
酒 贛俗不釀燒酒祇以糯米釀酒味極厚者乃冬月所釀名曰老酒陳久無灰者最美
四時所釀者名時酒味薄其糟亦可作燒酒名米燒較麴糧燒酒稍醇
紅麴 以白米飯雜麴母和濕蒸窖卽變爲眞紅直透米心

藥之屬

何首烏 蔓生莖紫色葉相對出夏秋開花黃白子似蕎麥有赤白二種

金銀花 凌冬不凋亦名忍冬

五加皮 五葉交加又名五花

桑寄生 嶺北多寄生蠟蠟高樹中望如鳥巢當窮冬木脫時寄生獨碧茂不槁

益母草 本草名芫蔚莖葉如艾節節生穗

菖蒲 生石上者名石菖蒲葉有脊如劍根瘦節密一寸九節者佳

夏枯草 冬至生夏至枯故名

贛縣志

志

卷九

物產

五

大小薊 兩薊相似其花如髻大薊一名虎薊莖高而葉皺小薊一名苗薊莖低而葉不

皺

旱蓮 一名纏腸生濕地有二種一種苗如旋覆而花白細者是纏腸一種花黃紫而結

房如蓮者乃小蓮翹也

土茯苓 有赤白二種白者良可煑食亦可生啖

金縷子 一名金罌子叢生郊野類薔薇有刺花紅白二種實黃蘇頌謂江西嶺北生者

爲勝

骨碎補 寄生木石上根似薑而細長

金毛狗脊 苗似貫衆根長多岐狀如狗脊而有黃毛嶺山野間到處皆有土人採根收

存用其毛以療金鐵傷頗效

鳥之屬

白鷗 素質黑章丹喙雄者有朱冠其聲味味藏喉間棲樹則雄上雌下

鷓鴣 隨陽越鳥也雨則自下鳴上晴則自上鳴下山人常以其鳴驗晴雨

畫眉 眉長如畫其音流麗眼有赤子者善鳴且善鬥

鳴鳩 卽布穀也穀雨後鳴

竹鷄 蘇東坡謂雞頭船鄉人呼爲鷄脚鶻

獸之屬

贛巨人 卽狒狒山海經謂贛以產是人得名今贛之山林無是物惟安遠三伯山常有之其山之神最靈獵者先禱卜當得異物乃設筵於山中列牲醴等物酌樽酒置前別以甕盛醖酒和毒藥機毒矢於其旁其物來或被酒毒罹機辟倒地未死則以橫木壓其軀斷其首而取之山海經謂其反踵非也惟無膝耳故僅能前却行而不能左右行倒地必互攔乃起醉則俱倒爲人得矣長者八九尺短者止六尺長者尤善走被人擊鉦羣驅一日夜能越數縣地

麋 贛有甌山鹿灘蓋以地多產此故名

贛縣志

卷九

物產

六

狐 有黑白黃三種贛獨有黃者地少霜雪多荆棘故其皮粗毛淺而色不純不及白狐之毛深溫厚也

豪豬 一名山豬鬃間有豪如箭白本黑端能激以射人成羣害稼山人尤惡之

鯪鯢 能陸能水鱗甚堅利力能穿山故又曰穿山甲

魚之屬

鯪 卽鱣也其性舒緩故曰鯪食草俗名草魚味頗佳贛河淺流急大魚不能容池塘中惟取九江之魚苗蓄之以爲時饌鯪其上品也

儲魚 出儲潭無鱗似鱖魚味最肥美

鯽 一名鮒魚諸魚屬火鯽獨屬土故有和胃實腸行水之功荷包鯽魚肥大形圓似荷包味甚美出甯都者爲最贛產亦佳

蟲之屬

促織 一名蟋蟀南土炎蒸冬無伏蟄蜂蟻蝨皆先期而出然不過兩月之殊耳獨蟋

蟬則春秋反常每春二三月初響欄吟唧唧聒耳歷夏而秋漸與寒蟬結舌矣
螻 嶺嶠間蟻穴多營樹上大如兒拳杜詩云行蟻上枯梨螻性固能升木封垵樹端則
他方所未有也

石之屬

砒 王宗沐陶書長嶺出青黃砒義坑出白砒嶺之產砒不載冊籍縣北五十里曰黃龍
埠有砒穴土人嘗採之康熙四十年以後不開者數載矣壬辰夏復啓之其人入穴不
復出二子一姪繼入而死者共四人乃聞之官典史柳田來奉攝令之命以往砒穴非
一窺則復啓他窺鋤斫方施毒氣壅涌而出復斃一人既夜靜乃燃火而人逶迤達於
初啓之窺四尸在焉亦無他恠

石炭 卽煤也產儲山烏石坑荔枝坑等處

鉛 錫 產於牛軛嶺宋時產鉛錫有九場嶺僅有其一焉今則禁閉蓋亦恐山僻民寥
易生奸宄反不聊生耳康熙甲申商民蕭宗章等呈請開採南原山鉛錫巡撫徐櫬奏

嶺縣志

卷九

物產

七

請禁止

謝詔曰嶺無他產頗饒稻穀自豫章吳會咸仰給焉兩關轉穀之舟絡繹不絕卽儉歲
亦櫓聲相聞蓋齊民不善治生所恃贍一切者終歲之入耳故口食之餘盡則以出糶
鮮有蓋藏強半隣壤占籍土著無幾公庾之積又未能陳陳相因足支二三年如南昌
臨吉諸郡告急時時輸兩關粟濟之下流固甚便假令嶺人饑誰其輸之粟耶越嶺則
路爲艱溯河則水爲逆萬歷戊子己丑間道殣相望其故可知已閉糶之禁他郡率藉
爲口實然空有以飽人腹而坐困以待斃是自盡之術也劑量體恤是在父母斯民者